

ICA OME TAJCUILOLAMATZIN TEN QUITAJCUILOHUILIJ IN TATITANIL SAN PABLO PARA IN TANELTOCANI TEN CALYETOCQUE TECH PUEBLO DE TESALONICA

**Pablo quintajcuilohuilij in
taneltocani campa Tesalónica**

1 Nejua ni Pablo huan inixpan
in Silvano huan in Timoteo
namechijcuilohuilía nijín amat
de namejuan nantocnihuan
nantaneltocani ten nancalyetocque tech
ne pueblo Tesalónica, porín namejuan
nansenpoutocque ihuan Totajtzin Dios
huan ihuan in Totecotzin Jesucristo.
²Huan nicnequi xicselijtiyacan ne
teicnelilis huan ne yolsehuilis ten
hualéhua inahuac Totajtzin Dios huan
inahuac Totecotzin Jesucristo.

**Totajtzin Dios quintatzacuiltis nochi
in tajtacolejque cuac mohualuicas
nican talticpac Totecotzin Jesucristo**

³Huan, tocnihuan, nachipa monequi
tictasojcamachilisque Dios ica por
namejuan, porín ijcón quimonequiltía
Dios. Huan no tictasojcamachiláj Dios
porín ticmatij que namotacuamatilis
mohueyiltijtoc, huan no ijcón
namotetasojtalis hueyixtoc tenica
nanmotasojtatinemij se huan ocsé.

⁴Ica ya nojón cuac tejuan tiyetocque

ihuan in ocsequin taneltocani
de Dios, ijcuacón tejuan semi
timoyolpaccatapohúfaj de queniu
namejuan nanquixixicotiyohue
in tajyohuilis. Huan no tiyolpaquij
porín nantacuautamatiyohue ihuan
Cristo huan nanyolchicautiyohue
masqui namechtajyohuiltijtiyohue
huan namechixnamictiyohue
miacque tagayot. ⁵Huan Dios
quicuis nijín namotajyohuilis
para quitenextis senteixteno que
Yejuatzin yolmelahuactzin cuac
quinixcomacatiu in tagayot. Huan
ica nijín namotajyohuilis Dios
namechpohua que namechnamiqui
ma Dios namechyolyecanatiu ica
ihueyichicahualistzin.

⁶Porín Totajtzin Dios quixejecoa
que ijcón quinamiqui que
quintaxtahuis ica tajyohuilis neques
ten namechtajyohuiltijtinemij
axcan. ⁷Huan nochi namejuan ten
axcan nantajyohúfaj, Totajtzin Dios
namechtaxtahuis ica ne yolsehuilis,
ijcón queme tejuan techmactilis
no ne yolsehuilis. Huan Dios
techsenmactilitiu ne yolsehuilis cuac

Yejuatzin monextijtihualas den ne eluiyac in Totecotzin Jesucristo ihuan ne itaquehualuan ángeles ten huejueyin tayecanani chicaque. ⁸Ijcuacán Yejuatzin hualas quemiliutihualas queme tit ica ne nicualtziyo para quintatzacuiltis nochi neques ten amo moteixmatiltijque ihuan Dios. Yejuan nojonques amo quitacamataque in yancuic Tajtoltzin de Cristo ten cualcui ne nemaquixtilis. ⁹Huan neques ten amo taneltocani senca tajyohuisque ica ne hueyi tatzacuiltis ten amo queman tamis. Huan ijcón Dios quincalanamotas huejca de Yejuatzin. Huan yejuan amo queman quitasque ne ihueyichicahualis de nicualtziyo. ¹⁰Huan nochi nijín mochihuas tech ne tonal cuac mohualuicas Totecotzin. Huan tech ne tonal nochi iaxcahuan quinueyichihuasque Cristo, huan ijcón nochi nitaneltocacahuan quihueyitalisque Yejuatzin. Huan nochi nijín mochihuas porín nanquineltocacque ya ica ne totanojnotzalis ten tamechiluijque ya.

¹¹Ica ya nojón tejuan nachipa timotatautilfaj ihuan Dios ica por namejuan; huan tictajtaniľfaj ma Yejuatzin namechycyolchipahua. Huan ica por ne namoyolchipahualis quinamiqui que xiaxcahuan ya Yejuatzin, porín Yejuatzin namechijitac ya. Huan no tictajtaniľfaj ma Yejuatzin namechmaca chicahualis para nanquitamichihuasque nochi ten cuali ten namejuan nanquiyolnejnequij. Huan no ma Yejuatzin ica ihueyichicahualis ma quitiochiutiu nochi namotequiu ten nanquichiutinemij sayó ica ne namotacuautamatis. ¹²Huan ica nijín namotacuautamatis, namejuan nanquipialfaj mohuisyot de itocaytzin Jesucristo. Huan no ica ne namotacuautamatis Cristo namechueyichihuas. Huan nochi

nijín ma mochiutiu sayó ica ne hueyi teicnelilis de Totajtzin Dios huan de Totecotzin Jesucristo.

Monextis ne hueyi tamajcahual tagat, ne hueyi tajtacole

2 Huan namejuan, tocnihuan, ipa tamechmachtijca ya de ne tonal cuac mohualuicas in Totecotzin Jesucristo, huan cuac Yejuatzin techsentiliquiu para ticnamiquisque in Cristo. ²Huan axcan tamechontatautafaj que amo ximotecahuilican que ma acsá elihuis namechtamachilis papata de que ejcoc ya ne tonal cuac mohualuicas in Totecotzin. Huan ma amo acsá namechyolmojmouti ica se tajtolis queme yesquía itencopa in Yecticatzin Espíritu. Porín sequin tamachtiani quinnextilijtinemij in tacaquini que huala ya in Totecotzin Jesucristo; pero amo melau. Ica ya nojón queme nanquicaquij ya nijín taman tanojnotzalis, amo ximoyolcuejmolocan. Huan no tacán nanquiselfaj se amatzin ten cuica ne tanojnotzalis de que huala ya Cristo, ijcuacán amo no xicneltocacan masqui nanquitasquáfaj que tamati que tejuan ijcón tamechtajcuilohuilijque. ³Huan ocsepa tamechilfaj que amo ximotecahuilican que ma acsá ma namechcaycayahuacan nión ica teyi taman tamachilis. Porín Yejuatzin amo mohualuicas como amo achtopa monextiqui senteixteno que in talticpacuani pehuasque quimajpeutinemis in Tajtoltzin de Dios. Huan no monextiquiu ne hueyi tamajcahual tagat ten monotza hueyi tajtacole. Huan nijín hueyi tajtacole, yejua ne Dios quixtalij ya tech ne tateľchihualis. ⁴Huan ne hueyi tajtacole quixnamictinemis in Tajtoltzin de Dios. Huan yejua mohueyichiutinemis inpan nochi ten cuica in chicahualis den itocaytzin de Dios. Huan ne hueyi tajtacole no mohueyinectinemis

inpan nochi ten mocuij para quimohuistilisque Dios. Huan no ne hueyi tajtacole motalis campā in hueyi tiopan de Dios ijcón queme yesquía melau Dios. Huan yejua ya mopohuas queme yesquía Dios.

⁵¿Xe namejuan amo nanquelnamiquij que cuac nejua niyetoya namohuan, ijcuacán namechiliaya nijín tanextililis?

⁶Huan axcan cuali nanquimatocque ya que in Yejuatzin quixtzacuiliytoc oc ne hueyi tajtacole para ma yejua ayamo huelis monextiqui achtopa que ne tonal ten Dios quixtalij ya. ⁷Pero axcan ichtacatequititoc ya ne pitzotic chichahualis den amocuali Satanás. Pero queme yetoc oc Yejuatzin, ica ya nojón Yejuatzin quixtzacuiliytoc oc ne hueyi tamajcahual tagat hasta ejcoquiū in tonal queman Yejuatzin moajchihuas ya intzalan in talticpacuani. ⁸Huan cuac monextiquiū ne hueyi tamajcahual tagat, ijcuacán Totecotzin Jesús quimictiquiū sayó ica in chichahualis de niijyoyotzin. Huan cuac monextijtzinoyquiū Cristo, ijcuacán Yejuatzin quicuis ne hueyi chichahualis de nicuالتزيو para quitamihuejuelos ya ne tamajcahual tagat.

⁹Huan in amocuali Satanás quichihuas ma monextiqui ne tamajcahual tagat ten tequititinemis ica hueyi chichahualis, huan ica hueyi nescayome, huan no ca mohuiscatequime ten sayó ica teixcajcahuas san. ¹⁰Huan ne tamajcahual tagat cualcuis mícac tataman de tajtacol, huan yejua quintamicajcahuas nochi neques ten yajtocque ya campā ne ixpolihuilis. Huan yejuan nojonques quimajpeuque ya Dios Itajoltzin huan amo quinecque quitasojtasque ne melahuac Tajtoltzin de Dios. Huan ijcón nochi yejuan amo huelis maquisasque. ¹¹Ica ya nojón Totajtzin Dios quinqualtitanilis ne taixnamiquini de Dios se chichahuac

tacajcahuas tenica motaneltoctisque ica ne hueyi xolopijyot. ¹²Huan ijcón yejuan ne ten yajtocque ya campā in ixpolihuilis, Dios quintelchihuas porín yejuan amo quineltoctisque ne melahuac Tajtoltzin de Dios. Ta, yejuan cachi oc moyolpactijtinemisque ica tachihualisme ten cualcui tajtacol.

Dios techijitac para techmaquixtis

¹³Huan nachipa monequi tictasojcamachilisque Dios ica por namejuan, tocnihuan, namejuan ten namechtasojta Totecotzin. Porín Totajtzin Dios namechijitac ya achtopa que tzinpehuasquía in talticpac, para que namejuan ximaquisacan de namotajtacoluan. Huan namejuan nanmaquisasque porín in Yecticatzin Espíritu namechylchipautiū huan porín namejuan nantaneltocatinemij ica ne melahuac Tajtoltzin de Dios. ¹⁴Huan Totajtzin Dios namechylnotzac para que namejuan ximaquisacan ica por ne Tajtoltzin de Dios ten cualcui ne nemaquixtilis tenica tejuan titanojnotztinemij. Huan no Dios namechylnotzac para que namejuan ximoaxcatilitij ne chipaucanemilis de Cristo ne campā hueyi itacualtzinyojcan.

¹⁵Huan ijcón, tocnihuan, ticnequij que xicsentocacan xitacuaumatiyacan ihuan Cristo huan xictacamatiyacan ne tanahuatilme ten tamechnextilijque ya ica totajtoluan oso ica totajcuilolamahuan. ¹⁶Huan Totajtzin Dios, Yejuatzin techneltasojtac huan techmacac ne yolsehuilis ten amo queman tamis. Huan no Yejuatzin techmactilij ya se cuali tacuaumatilis sayó porín Yejuatzin techyolicnelij.

¹⁷Huan ticnequij que Totecotzin Jesucristo huan Totajtzin Dios que ma Yejuatzin namechylchicautiū huan ma namechmaca chichahualis para que namejuan xiquijtojtinemican huan xicchiutinemican nochi ten cuali.

Ma ticueyipanchihuacan Dios Itajtoltzin

3 Huan no, tocnihuan, tamechilfaj ijcuín: Ximotatautilican ihuan Dios por tejuan, para que ma mojsiucamoyahua in Tajtoltzin de Totecotzin, huan para ma quitacachihuacan nijfn Tajtoltzin nochi in tagayot, ijcón queme namejuan nanquitacachiuque. ²Huan no ximotatautilican ihuan Dios para timaquisasque inmaco ne tagayot ten yolchichicque huan amo yolcualime. Huan yejuan techtajyohuiliatyaj porfn yejuan amo quiplayaj ne tacuautamatilis ihuan Cristo. ³Huan Totecotzin Yejuatzin Yolmelahuactzin, huan Yejuatzin namechyolchicautiyás huan namechyecpixtiyás para ma amo xihuetzican imaco in amocuali Satanás. ⁴Huan tejuan cuali titacuautamatij ihuan in Totecotzin que namejuan nanquichiutocque huan no nanquichihuasque oc nochi in tanextililisme ten tamechnahuatijque ya xicchihuacan. ⁵Huan no ticnequij que Totecotzin ma namechyolmecantiu para xitetasojtacan ijcón queme Dios tetasojta; huan para xicxicojtiyacan in tajyohuilis ijcón queme Cristo quixixicoco.

Pablo quijtoa de monequi nantequitisque

⁶Huan namejuan, tocnihuan, tamechnajnahuatfaj ica itencopa Totecotzin Jesucristo que ximosecakahuacan de ne taneltocani ten quinequij sayó tatziucanemisque san, porfn yejuan amo quitacamatinemij ijcón queme tejuan tamechnextilijque ya. ⁷Huan namejuan cuali nanquimatocque ya de queniu monequi xicchihuacan para xicnejnehuililtiyacan de ne tochipaucanemilis. Porfn tejuan

cuac tiyetoyaj namohuan, ijcuacón tejuan amo sayó titatziucanemifaj san. ⁸Huan amo no queman ticnencacuajque san in tacualis de acsá. Ta, tejuan timotequitiltijque huan timotajyohuiliatyaj yohualitonal para timotequipanosque. Huan ijcón ticchique para ma amo senme de namejuan ma tamechcuejmoloani ica tensá. ⁹Huan tejuan masqui ticpíaj tanahuatil queme tatitanil de Cristo para tamechtajtanisquíaj tapalehuilis, pero amo ticnecque ijcón ticchihuasque. Ta, tejuan timotequitiltijque para que namejuan no xicnejnehuililtijque totequiu. ¹⁰Huan cuac tiyetoyaj ompa Tesalónica namohuan, ijcuacón tejuan tamechnajnahuatfaj ijcuín: Nochi neques ten amo quinequisque tequitisque, ma amo no tacuacan. ¹¹Porfn tictecaquilfaj que senme de namejuan que ay motatziucaquetztinemij san huan amo tequititinemij. Ta, sayó moteaxcatilijtinemij huan motepaltalijtinemij san. ¹²Huan itencopa in Totecotzin Jesucristo tejuan tiquinchicaucanahuatfaj huan tiquinyolmajxitfaj ne tatzihuini de que monequi ma mosiohuilican huan ma yolseucatequitican para ijcón motequipanosque yejuan.

¹³Huan ijcón tamechilfaj namejuan, tocnihuan, amo queman xisiohuitij de nanquichihuasque ten cuali.

¹⁴Huan tacán acsá amo quitacamati ten tamechnajnahuatfaj ica nijfn tajcuilolamat, ijcuacón cuali xiquitacan aconi nojón motatziucaquetztinemij san. Huan de ompa amo ihuan ximohuicatinemican para ijcón yejua ma quiyolmachililtican ne tatziu para que yejua ma mopinahui.

¹⁵Pero no tamechilfaj que amo xictahuelitztinemican ne tatziu. Ta, xicyolmajxitican porfn yejua no se namocniu.

Pablo quintiochihua in taneltocani

¹⁶Huan sayó Yejuatzin
Totecotzin teyolsehuía. Ma
namechyolsehuijtinemi yohualitonal
campa yesqui nanmoajstinemisque.
Huan ijcón in Tecotzin ma yetica
namohuan. ¹⁷Huan nejua ni

Pablo namechijcuilohuilía nijín
tajpalolis ica nijín amat ten nejua ya
nicchihuac. Huan ijcón niquijcuiloa
huan ijcón ixnesi notocay tech nochi
nomatajcuilolamahuan. ¹⁸Huan
ticnequij que Totecotzin Jesucristo ma
namechyolicnelijtiu sen nachipa. Ma
ijcón mochihua. Amén.